

PREDGOVOR

Analiza finansijskih izvještaja služi za predstavljanje finansijske situacije preduzeća kako internim tako i eksternim korisnicima i za njihovo upoznavanje sa svim relevantnim pokazateljima o poslovanju preduzeća. Kao osnovni preduslov opstanka i razvoja preduzeća na tržištu pojavljuje se upravljanje njegovim poslovanjem i razvojem.

Da bi se to ostvarilo mora se težiti kompletnoj analizi poslovanja preduzeća koja obuhvata kvalitativne i kvantitativne podatke i informacije koji su nužan preduslov za donošenje kvalitetnih upravljačkih odluka. S obzirom na trenutno vrlo izazovne uslove koji vladaju na tržištu nije potrebno posebno isticati važnost koju preduzeće mora posvetiti analizi finansijskih izvještaja.

Sama riječ analiza ima porijeklo od grčke riječi **analysis** što u prevodu znači rastavljanje ili raščlanjivanje neke cijeline na sastavne dijelove, sve dok se ne dođe do elemenata koji su dalje nedjeljivi. Može se reći da je analiza finansijskih izvještaja najvažniji dio cjelokupne analize poslovanja društva. Naime, ova analiza omogućava odgovor na dva vrlo važna pitanja:

- Kako je preduzeće poslovalo u prethodnom periodu, i
- Kako poboljšati poslovanje preduzeća u narednom periodu.

Na osnovu dosadašnjih istraživanja može se zaključiti da analiza finansijskih izvještaja na osnovu pokazatelja predstavlja temu o kojoj se može mnogo istraživati i pisati. Jako je i zahtjevna tema iz razloga što je potrebno mnogo vremena kako bi se pokazatelji tačno izračunali, prezentovali i analizirali.

Svako preduzeće treba provoditi ovu analizu a sa ciljem dobijanja informacija o sopstvenoj likvidnosti, a osim toga i potrebnih informacija o zaduženosti, sigurnosti i profitabilnosti.